



lv


Georg 948



Georgs-B.

4.5.5





Schutzrede und Christenli-  
 che antwort. Eins Erbaru  
 libhabers gotlicher warheit /der heiligen  
 geschriffte / auff etlicher wydersprechenn/  
 mit antzeygung/ Warumb/Doctor Mar  
 tini Luthers lere / nit sam vnchristenlich  
 verworffen/Sunder meher/als Christen  
 lich gehalten werden solle.

Apologia.





¶ Je  
besche  
Augu  
sey/vn  
vnbill



dechli  
lich ad  
ein lau  
vnd ge  
sye/vn  
cher ve  
de mei  
herr h  
fuer vn  
ben L  
achten  
Kirch f  
ter/des  
Ewan  
frewen  
wolle  
meiner  
cken/ru  
mir dar  
fen /od  
stenlich  
mich al



**I**ch wurd bey etlichen verdacht / vnnnd offentlich  
beschuldigt / als ob ich / Doctor Martinus Luthers  
Augustiner ordens discipel / oder nachuolger einer  
sey / vnd des selben leer vnd predig / irs vermeinens /  
vnbillich vnd tzu vil rumen / vnd anhangen sol.

**D**amit nun die so mich also verdenecken  
vnd beschuldigen / vnnnd solchs da sur  
ichs acht / meinethalbē nit arger mey-  
nüg. Sunder aus dyssem grundt thun  
das sie wider Luthern / villeicht bey  
ynen selbst allerley argwons vnd ver-  
dechlichkeit / seiner leer halben / als ob die nit Cristen-  
lich ader gut sey / schopffen / auch kein bessersvorsteē /  
ein lautere vnd eygētliche antzeygüg meins verstädt  
vnd gemudts / in diser sachen entpfaben. So bit ich  
sye / vnd einen yden / bey dem wider mich ein vngley-  
cher verdacht der halben einfallen mag / nachuolger  
de mein vnderricht / auch die vrsachen / so mich bis  
herr haben bewegt / Doctor Luthers lere / nit gantz  
fuer vngeschickt ader nichten tzu achten / vnd den sel-  
ben Luther in die tzale deren tzu setzē / der sich meins  
achtens gemeine Cristenheit / vñ die heilig Romisch  
kirch fuer ein sonder trostlichen gegründten vorsecht-  
ter / des heiligen glaubens vnd auszpreiter der heyligē  
Ewangelschen Cristenlichen leren / nit vnbillich er-  
frewen solt / gutlich antzuhorn / vnnnd als den / ob sye  
wollē / wider den selben Luther / den ich mit dyszen  
meinen antzeygen / weder entheben oder vntherdru-  
cken / rumen oder schelten / Sein lere auch ( dy weyl  
mir daruber tzu erkennen nit getzimpt ) nit verwerf-  
fen / oder andere weyse / dan so vil sie gotlich vnd Cri-  
stenlich ist / angenummen habē wil / des gleichē wyd  
mich als seinenn Discipel da fuer ich geacht wurd /

A ij



nach irem gefallen / vnd doch der gestalt / tzu vrteyle /  
das solchs bey frommē Christenlichē personē meher  
fuer ein billichen notdurfftigē grundt / dan selbst ges  
schopften heiligen schein / magt verstanden werden.  
¶ Vnd sag anfangs. Erkenntnis Christenlicher heyl  
samer vnd tzu gelasner lere / Stehet meins bedenkēs  
vnd wie ein yeder verstendiger an tzuweiffel bekennen  
muß / grundtlich vnd eygentlich in dem / ob die selbē  
lere vnd predig / Christo als vnserm lere meister vnd  
sellgmacher (dy weil in ynen alle an mittel muß er  
grundet vnd getzogen werden) gleichformig / Ob  
sie der Euangelischen vnderweysung auch den Christ  
lichen heylsamen gesetzen vnd der vernunft gemess  
sey / Ob darin meher Christus / dan eygener genieß  
weltlicher rume / oder andere eytele vrsachen gesucht  
werden. Ob die meher tzu auszrentung vil vnnutzer  
argumenta vnd fertlicher scrupel / der selen vnd gewis  
sens. Auch meher tzu vnderweysung des Christen  
volcks / dan erfüllung des gemeinen mans oren / fur  
derlich sey / vnd von personen furgenommenn werd /  
denen das aus erheyffung der purden ires ampts vil  
gewissens billich getzim.  
¶ Ob nun anfangs / Doctor Luthers lere vnd pre  
dig Christlich vnd heylsam auch Christenlicher ord  
nung vnd der vernunft gemess sein / des gibt das  
werck vnwidersprechlich getzeugnus / Dan alles dz  
der selb Luther biszher geprediget geschriben vnd ge  
lereth / hat er allein auff das heilig ewangelium / dye  
spruch der heyligē Propheten / vnd den heyligē Pau  
lum / on mittel ergrundet / vnd also verstendig vnd of  
fentlich dargelegt / das ich darwider wenig vernuff  
tiger argumenta / Ja warlich tzu redenn / gar kein ges  
grundt wydersprechen / befunden hab / vnd meins  
bedenkēs / wo ich mich vnterstehen wolt Luthers

lere  
acht  
auch  
ctor  
nich  
sten  
ben  
die s  
heilig  
bona  
ales  
habe  
grun  
hab  
stehe  
Auch  
heilig  
gewe  
die v  
wund  
vnd a  
nun d  
Kirch  
lererf  
het / r  
horen  
war i  
das er  
sein a  
leuth  
Sät  
iren l  
leucht  
tzern v



lere vnd predig tzuuerwerffen / oder fuer nichten tzu  
achten. So must aus der noth daraus volgen / dz ich  
auch Christus lere vñ vnterweysung / in die sich Do  
ctor Luther allein fundirt / widersprechen vnd ver  
nichten must / das sey aber von mir / als einem Chri  
sten menschen weyt / vnd wie wol ich wyder den sel  
ben Luther / biszher von etlichẽ predigern vñ andern  
die sich selbst in einem argkwon gehabt / Als sie der  
heiligẽ geschriffte / die sie den grossen teil in Thoma /  
bonauentura / Scoto / Sententiarii / Alexander de  
ales / vnd andern der gleichen Scholasticis ergrund  
habenn gantz bericht sein / nith fuer den geringstenn  
grundt irs widerfechtens / diszes argument gehorth  
hab / als ob sich Luther solcher lere vnbillich vnder  
stehe / dan er sey ein mensch vnd gleich inen ein sunder  
Auch nith meher / sunder vil geringer dan andere der  
heiligen Christlichen Kirchen lerer . Es sein vor ym  
gewest Augustinus / Jeronymus / Ambrosius / zc.  
die vil geleter dan er. Auch heilig leuth gewest / mith  
wunder wercken geleuchtet / den geist gottes gehabt /  
vnd aus gotlicher einsprechung geredt haben . Solt  
nun der selben lere nichts sein / vnd die Christliche  
Kirch biszher vnd so lang in irfall gestanden / vñnd als  
lererst durch Doctor Luthern / wie er sich vnderstet  
het / reformirt werden / were ein erbermlich ding tzu  
horen / vnd gantz nit tzu glauben zc. Tzu dem sag ich  
war ist es / Doctor Luther ist ein mensch / acht auch  
das er sich nit anders dan fuer ein sunder erken . Es  
sein auch vor im vil frommer geschickter vnd heiliger  
leuth gewest / Darunter ich meinẽ heiligen Patron  
Sãt Hieronymũ nit fuer den geringstẽ tzele die mit  
iren leren die Christenlichen Kirchen getziret vnd er  
leuchtet / vñ wyder die manigfaltigẽ eingefallen ket  
zern vil muhe vñ arbeit / die als ein schedlich vnkraut



auszureutten gebraucht/haben aber nit die selben/  
auch als menschen/irren mugen?haben sie nith auch  
an vil orten vngleichen verstandt gehabt/vnd gegen/  
einander geschriben?hat nit einer dise/der ander ein  
andere vnd widerwertige meynung gehalten? Habē  
wir nit gesehē/welcher gestalt vnser **L**hrstē prediger  
an vil orten fuer vnnd fuer wider einander offentlich  
geschryen/einer mit seiner opinion auff **T**homa/der  
ander auff **S**cotū/vnd der drit auff **B**onauēturam  
ergrüdet/ire meynügen behart /vnd da fuer gehaltenē  
haben/das sie in iren opinion gantz gerecht sein /da  
von sie /auch vngachtet/das es doch allein opinion  
sein/nit stehen wollē. Sonder sich die selben/sie sein  
gerecht oder nit/mit gewalt zuuerfechten vnterstan/  
den/vñ wie können wir mit warheit sprechē/das auß  
serhalb/der lere **L**hrsti (die allein warhafftig bestē  
dig vnd vntzweyffentlich ist) in den andern mensche  
lern/sie sein ia geschribenn /durch wen sie wollenn  
kein tzweiffel tzustellen sey. So doch die heyligen le/  
rer in iren vnderweysung nit einer gleichmessigen  
meynung gewest. Auch die heyligen bißher gehalten  
**L**öcilia /mehrer dan einen wegl gehalten vnd tzu wan  
dern beschlossen. **L**zu dem/dz ich daran nye getzwey  
felt/den heiligen lernern sey auch in yren doctrinen vil  
tzugesetzt/das sie tzu schreiben oder tzu reden nye ge/  
dacht haben. Glaub auch wo **L**hrstus wyderumb  
leyptlich auff erden kōmen solt/wir wurden der selbē  
lere halben/die wir fuer gantz **L**ristenlich vnnd be/  
stendig annemenn / an vil orthen ein wyderwertig  
vrteyl befindē. Dan zu gleicher weisz / wie nach sant  
**A**ugustinus spruch/vil menschlich corper auff erdt/  
rich fuer heilig gehalten vnnd geert werden/der selen  
villeicht in der hellen begrabē sein/Welcher wil dan  
nit auch darfür achten/das nit mynder etwouil opif

ni  
nun  
her  
verf  
ben  
der  
schri  
schri  
text  
tzu  
ausse  
nem  
stus  
ausse  
gen/  
stilla  
ben t  
ee der  
der  
versp  
reini  
es sch  
tzu ha  
hette  
tzu v  
tagen  
solt  
got w  
er wi  
meins  
die sel  
gen v  
getzog  
Das a



ntiones / vnd sententz der lerer fuer Eristenlich ange/  
nummen / die bey got reprobirt werdē / Ich hab bis/  
her befunden / das sich auch fromme hochgelert vnd  
verstendig leuth nit wenigk beclagt / als ob etlich scrib  
benten / die vber die heyligen euangelia postillirt vnd  
der sich vnser prediger biszher / als fuer die heyligen  
schriffte gebraucht / mit iren auslegungen / dem geist d  
schriffte nit den kleinsten safft genömen / vnd von dem  
text vnd rechten verstandt der heyligen ewangelia vil  
tzu weit gelauffen haben. Das mogenn wir bey dem  
auffsetzigen in dem Ewangeliö ein eynige antzeygnig  
nemen / Dan welcher wil doch glauben / das Chris  
tus mit den worten / do er dem selbigen gereinigten  
auffsetzigen menschē saget / sich dem priester tzuertzey  
gen / gemeint hab / das er / wie eins teils der selbē pos  
tillatores verimeynen / beichtē solt / So doch der sel  
ben tzeit / das beichten nit in vbung / auch in der alten  
ee der gebrauch gewest ist / das sich die vnreinigē sun  
dersichen menschē / den dauor der eingang der kirchē  
versperrt was / als es heuth zu tagen noch ist / nach irer  
reinigung den priestern ertzeygen musten / deshalb ist  
es schimpflich / das fuer ein vntzweyffelich argumēt  
tzu halten. Als ob die heiligen lerer als mēschen nit  
hettē irren mogen / daruber ich gleich wol nit gedēck  
tzu vteylen. Es were aber erschrecklich / das heut zu  
tagen nit vil frommer heyliger leuth auff erdenn sein  
soltē / dan welcher mensch kan doch wissen in wem  
got wonen / durch wen er auch vnd wie wunderbarlich /  
er wircken wil ? hat er nit in leiblicher menscheit am  
meinsten bey vnd vmb die sunder gewont ? hat er nie  
die selben am meisten gefeliget vnd fuer die gewaltig  
gen vnd hochgelertē im gesetz / berumbt vnd her fuer  
getzogen ? Were auch nit wenigk erbermilich tzu horn  
das alle ingenia vnd schicklichkeiten ( wie dysse traum

iben /  
auch  
egen /  
er ein  
Habe  
diger  
ntlich  
ā / der  
uram  
halte  
n / da  
inton  
e sein  
stan /  
s auf  
destē  
nschē  
llenn  
n le /  
genn  
alten  
wan  
wey  
en vil  
e ge /  
amb  
selbē  
d be /  
ertig  
sant  
rdt /  
selen  
dan  
ppit



prediger vnd widersechter vermesnen) mit den selbst  
gen heiligen leren/gar vergangen vnd abgestorbenn/  
vnd noch der tzeit nit auch verstendig gelert vñ hoch/  
geschickt leut /aus denen nit mind dan vor/ der geist  
gotis reden magt/ solten erfunden werdē/ Dan wer  
ist Origenes / Gregorius Nazanzenus / Scotus/  
Franciscus Maronis / Alexander de Ales / Nicolaus  
de Lira / vnd andere der gleichen scribenten / vnd  
nit meher dan sie verstands gehabt / von sich gebenn  
mogen / Zu dem / das auch dysē vnd der gleichē ir/  
rungen vnser lerer vnd prediger meins achtens / nit  
den kleinsten teyll aus dem entspringt / das sie in iren  
opinion / also vnterschiedlich vnd geteylt / auch einen  
vngleichen / vnd wie ich acht / gar vil der selben / einen  
wyderwertigen verstandt der schrifft haben / Darūb  
auch der selben widersechter argumēt vnd vermeint  
vrteylen / durch die / sie vber das / so allein got bekant  
vnd keinem menschen tzuwissen moglich ist / wollen  
erkennē / nit allein schimpflich vñ billich tzu belachē.  
sonder auch der Cristenheit gantz vnuerlich sein /  
Vnd wiewol sie tzu besterckung irs antzeygens dar  
an hencken / das der selben lerer meynunge aber / von  
der kirchen angenommen vnd tzugelassen sein / das wil  
ich nit wider sprechē / dz ist aber auch war / das Lu/  
thers lere vnd predig bisshere / von der kirchen nit ver  
worffen ist. Glaub auch nit das die kirch die selben  
aus den angetzeigten vnd hernachuolgeden vrsachē /  
so geringlich reprobirn werd / der halben von den sel  
ben gägelpredigern / noch der tzeit / auch billich vn/  
uerachtet pleiben / vnnd die selben vber das / das sie  
entweder nit gelert aber sonst keynen verstandt ha  
ben / nit so vermessenlich vnd gantz vnshicklich geur  
teilt werden solt.

¶ Zum Andern ob Luthers lere Cristenlicher

ordn  
yden  
Das  
sich  
schic  
so str  
von k  
verste  
Luth  
sung  
mich  
vnd a  
gutte  
sunde  
nit ge  
Ich v  
mens  
von v  
vnd v  
sie go  
stund  
ren / L  
mit ei  
digen  
de erk  
vrteyl  
haben  
darin  
gē / de  
fest all  
dz bis  
ir vng  
das sie  
ten vn



ordnüg vnd der vernunfft gemess sey / stell ich in eins  
yden vernunfftigen frommen menschen erkentnus/  
Das weis ich aber an tzweiffenlich / das mir / der  
sich fuer keinen hochuernunfftigen gelernten oder ge/  
schickten helt / mein lebenlang eynich lere oder predig  
so stracks in mein vernunfft nye gegangē ist / hab auch  
von keinem meher begreiffen mogen / das sich meins  
verstands / Cristlicher ordnung also vergleicht / als  
Luthers vnd seyner nachuolger lere vnd vnterwey/  
sung. Got wolt das mir dise genad verlyhen wurd/  
mich den selbigen vnterweysunge gemess tzu halten  
vnd alles mein leben darnach tzu regulirn / were ich  
gutter hoffnung / ob ich wol etlichen menschen / vnd  
sunderlich / denen die Luthern vnd sein lere verfolgē  
nit gefiel / vnd bey ynen fuer ein kettzer geacht wurd/  
Ich wolt doch got / als ein teyl vnd glid eins Christē  
menschē gefellig erscheinenn / Ich hab auch bisz here  
von vil trefflichen hochgelertenn personen geistlichs  
vnd weltlichs stands gar tzum offtermal gehort / dz  
sie goth darumb danckbar gewest sein / das sie dye  
stundt erlebt / Doctor Luthern vnd seyne lere zu ho/  
ren / Dan welcher vernunfftiger Cristenmensch wil  
mit einichem glimpff / auch gutem wissen vñ versten  
digen vrsachen / dyse lere vñ predig / tzuuor / on vorgē/  
de erkentnus der heiligen Romischen Kirchen (dero  
vrteyl als ein Christēman in alleweg vnterwoiffen  
haben wil) vomichtē vnd reprobirn / doch weyl vns  
darinnen / so vil ich ye hab funden vnd verstehen mo/  
gē / der recht ordenlich weg tzu Cristo als der grūd /  
fest alles vnsers heyls / gewysen wirdt. Ist nit dz war  
dz bisz her etwo vil fabel oder merlein prediger durch  
ir vngeschickt opinion (darinnen sie also verwickelt/  
das sie auch in den selbē gar eraltent sein) dem schle/  
ten vngelerten volck vil vnruiger gewissen gemacht/  
B



vnd do hyn gewissen habē / vff ire werckmer / dan die  
genad gottes tzu bawen / Haben sie nit den grossern  
teyl vnser geistlichkeit vnnnd fromkeit mer auff die eus-  
sern Cerimonien vnd ertzeygunge / als Rosen krentz  
vnd Psalter betten / alle tag den himelischen Rosen  
krantz tzu papern / vil walsarten vnd fasten zu machē  
gros kertzen vnd vil licht aufftzunden / die armen selē  
mit dem geweichten wasser tzu trosten / vnnnd ander  
der gleichen eusserliche wirckungen / dan die lieb vnd  
wirckūg im hertzen gestelt / vil meer dem gesetz dan  
der genad / mer dem fleisch dan dem geist nachgeuol-  
get? Habē vns nit die selben lerer vntzalbar vil scrū-  
pel in vnserm hertzen / allein mit der weytlenfftigē vn-  
geschickte ordnung des peichtēs / auch der vnterkant-  
ten namē / tochter vnd vmbstendt der sunden / darein  
sie auch die selikeit des menschen vil mer / oder tzum  
wenigsten so stadtlīch als in das berewē / dauon alle  
schriffte meldung thut / ergrundet haben / darumb dz  
inen die beichtpfennig den beuttel gefult / verursacht?  
Habē sie nit auch bisz here den ablas allein von ired  
nutz wegen mit einer vbermessiger Pompe / vnnnd vil  
hoher dan die genad vnd den schatz des glaubēs vn-  
pluts Christi (daraus wir dz kleyd vnser werck / wo  
sie gerecht verdinlich vnd tzu selikeit furdertlich sein  
sollē / waschen müssen) erhebt vnd den selbigen ab-  
las gleich elner feylen kauffmans ware im land hyn  
vnd wider vmgefurt / vnd nit allein / den selben ablas  
sonder auch alle sacrament der kirchen vnd dartzu  
das ich mich scheme tzumelden / die selen in dem feg-  
fewer vmb gelt verkaufft / vnd das arm vnuerstendig  
volck / wie ich von vil derselbē selbst gehort / do hin ge-  
furt / das sie gewisslich glaubt vnd antzweyffelenn  
da fuer gehalten. Als ob sie allein in crafft des ablas  
von sundē entpunden / vnd dadurch tzu selikeit gefur

dert  
abla  
feg  
selē  
dige  
die  
Ist  
gesen  
leste  
misl  
re m  
men  
ler /  
den  
aus  
begr  
irru  
ist / v  
gleich  
vnde  
mein  
gung  
einy  
derh  
vnd  
der k  
schei  
das i  
ten /  
gleich  
thers  
liche  
fecht  
cher v



bert wurden / vnd ehe der Klang des groschens in den  
ablas kaffen / da mit sie die selen aus den panden des  
segefwers mochten erledigen / vergieng / so were dye  
sele schon tzu himel? Habē vns nit die selbē vnser pre  
diger so vil kirchen gesetzts fuergelegt / das sie da nit  
die gebot Christi gantz tzuruck geworffenn habenn?  
Ist nit d/der an einē freytag durch verbot des kirchē  
gesetzts / fleisch geessenn / fuer straflicher / dan ein gots  
lesterer od eebrecher / die got verwurfft / geacht? Was  
misbrauch vnd straflicher vbungen sind auch biszhe  
re mit dem bann gegen schuldigen vnd vnschuldigen  
menschen gebraucht / vnd dero etwouil vmb drei hel  
ler / auch tzu tzeyttē gantz vnwissend fuer abgeschnit  
tene glider gottes vnd der kirchen vber die Lantzen  
ausgeruffen / auch als die vnglawbigē auff das feld  
begraben / sampt andern miszbrauchē / vnd kindische  
irrunge / der die gantz Cristenheit biszhere vol gewest  
ist / vnd die ich / auff das ich nit / Doctor Luthern  
gleich / fuer ein kettzer beschuldig wurd / tzumelden  
vnderlasz. Die selbē scrupel vñ irrunge / hat Luther  
meins ermessens / durch gegrundt cristenlich antzey  
gung der heilige gotlichen schrift also gereynigt / dz  
einyden vernufft das gar leichtlich begreiffen magt /  
verhalbenn wir yme des auch vil billiger rum danck  
vnd lob veriehen / dan also fuer ein kettzer vnd veynd  
der kirchenn auß schreyenn / vñnd aufferhalb eins ge  
scheinten spigelfechtēs / dagegen nichtzit bestendigs  
das in der gotliche schrift gegründt sey / darthun sol  
ten / Vnd so vil hoher etlich traumprediger / die sich  
gleich wol fuer gros Theologos rumē / Doctor Lu  
thers lere mer mit einē gewalt dan vernunftigē red  
liche vnd gegrundtē vrsachē vnderstehen tzuwider  
fechtē / so vil mer wurd die bey mir fuer Christlich  
cher vñ gegrüet geachtet / dan es ist gar ein schwach

B ij



bawfellig vnd vnbestendig widerfechten / das mit  
einem gewalt vnd nit mit rechter tzungelassner maß vñ  
ordnung vernunfftiger beschuttzung suergenommē  
wirdet. Ich bin auch alles tzuweiffels on / Sich hab  
biszher gar mancher vnterstäden Doctor Luthern  
vnd sein predig gleich einem sauren bier / doch in den  
winckeln vñ vnuerstendigen leuthē / aus tzuschreien /  
der die heiligen schrifft durch ein nebiges loch gelesen  
vnd den ich in vernunfft / kunst / vñ schicklichkeit nit für  
gnugsam achtet / ime einen schuchrimē auffzulösen.  
¶ Tzū drittē / So hab ich in allen Doctor Luthers  
doctrinen lere vnd vnterweisungen befundē / das  
er eigēlich meher Christum / dan questum oder eigē  
nen nutz gesucht / dan die weil er wider die vnshick  
lichē lere der ablas prediger / die meher tzu frem geitz  
vnd genutz / dan der menschen heil gedint / vil gepres  
diget vñ on schewhē geschribē / hat er nit allein denen /  
die der sache interesse haben / sunder auch seinen eigē  
orden / meher dan in einē wege allerlei nachteils tzu  
gefugt / vnd mit solchem gleichwol / die Romischen  
Kirchen vnd vil geistlicher stende auff sich geladenn /  
Ich hab auch von Doctor Luthern persönlich ge  
hort / wie des etliche seine schrifftenn antzeigung ge  
ben / das er ob allen bedroungen / hoher vñ nider  
stēde / die ime biszhere gar in vilfeltig wege vnder au  
gen kommē / gantz kein entsetzen / sonder das ende  
seins furnemēs endtlich dahin gestelt hab . Sei sein  
lere von got vñ aus got. So setz er in keinen tzuweiffel /  
got werd auch die selben hanthaben vnd schutzenn /  
Sei es aber menschem werck / so werd die mit der  
tzeit vnd an allen widerstandt selbst tzu trummern  
gehen / Welcher wolte nun glaubē ader ein igen arck  
won haben / wo Luther durch sein lere vnd vnter  
weisung nit Cristū vnd der menschen heil suchet / dz

er si  
den  
(da  
sch)  
lebe  
beg  
¶ L  
heit  
wo  
vnd  
ken  
ter  
ger  
vns  
da  
entz  
nit  
mens  
tzw  
ge  
sacht  
nach  
vnd  
gegr  
tzu  
sich  
nen?  
men?  
gen  
vnser  
acht  
terung  
den  
mens



er sich an noth / vñ mit sein selbst vnd des gantzen ordens nachteyl vñ schadē / in dyse ferligkeit seiner erscholten werden ) vnd dartzu in farr seins leibs vnd lebens / das im fuer vñd fuer gedrowet wirdt / solt begeben.

**Z**um vierden / wirt mir kein verstediger mit warheit nimmer widerspreche mogē / das er bey im selbst wo er anders Luthers vnd seiner nachvolger predig vnd vnderweysung gehort hat / vñd die warheit bekennen wil / vil tzweffliger irsal vnd scrupel verwickelter cōscientz entledigt ist / Dan haben nit vnser prediger leren vnd antzeygūg den grossen teyl dahin geleidet vñs vil sunden / auch durch den ablas friden vñ rw / da keine ist / tzumachen / vnd dardurch vnserm consciētzē so mancherley enger netz vnd strick tzulegen / das nit wol muglich denen tzu entpfliehen / da durch ist d̄ mensch meher geengistet dan getrost / meher in verztweyflung dan in erquickung / meher in vbermessige forcht / dan lieb vnd vertrauen zu got gefurt / geursacht: das doch das loch vnd der wege zu der seligkeit nach antzeygung des heyligen Ewangelij gantz süß vnd heylsam / vnd meher durch ein ordenlicher recht gegründet vertrauen tzu got / dan dise gauckel predigē tzu erlangē ist / Welcher wolt doch so vermessen sein sich nit billich fuer ein menschen vnd sunder tzuerkenen: ist nit got von der sunder wegen auff erden kommen: haben wir nit biszher auff vnser selbst erfundigen superstition / meher vñ hoher dan die gesetzs gottes vnsern grundt gestellt: darin hat vnns Luther meinsachtēs / nit wenig vernunfftiger Christenlicher leuterung gethan / vnd do hin gewisen / got meher / dan den selbē / fleischlichen wercken vnd den gesetzen der menschen tzutrawen / dan welcher wolt doch glaubē



das got darumb kommen wer/wie etlich meher aus  
einē traum/dan der schrifft/predigē / vns so vil schwe  
rer purden vnd gesetz aufftzulegen/vnd mit dem tzu/  
mussigen/das vns tzu tragē nit möglich wer/so doch  
got dem menschen nichts/das im vnmöglich vñ vn/  
treglich/hat auffgeleget? Es ist auch meins achtens  
gar ein geringe kunst/den menschen/wie wir biszher  
fuer vnd fuer gesehen haben/in vil sundē / irrungen/  
tzweifel zuerwickeln/sond vil fruchtbarer die tzwei  
feligen irrigen vnd trostlosen von solchen farlichenn  
strickē vñ fangnussen/die meher tzu verdamnus dan  
dem heil dienen/tzuerledigen.

¶ Vnd ist wol tzuerwundern/weis auch nit wo  
fuer ichs bey mir selbst haltē soll/das die / so sich fuer  
lux mūdi vnd sondere lerer der kirchen halten / vnd  
demnach / fuer andere / d̄ Christenmenschē heyl vnd  
nutzbarkeit billich betrachten/vnd das nach allem  
irem vermogē / ia auch bies tzuergriffung ires pluts  
furdern soltē/tzu solcher vngeschicklichkeit kōmen/tzu  
sagē/das dysē des Luthers predigen/nit offentlich  
sonder allein in der schul bey den gelerten solten geort  
tert vnd disputirt werden. Dan aintwerder ist Lu  
thers lere gerecht/gotlich vnd Christenlich /od aber  
vngerecht/wyder Christenlich ordnung/vnd dz heyl  
der menschen/ist sie gerecht vnd gotlich / so wirt sye  
nyndert billicher dan bey denen/den sie allenthalben  
tzu gute kōmē magt /offentlich / vnd nit allein in den  
schulē / oder warlicher tzu reden/in den synagogē/do  
vnsel selbst erfindungen vnd menschē werckmer dan  
gottes lere herfuer getzogen werdē/aufgeschryen vnd  
verkundet/dieweil es doch tzum heyl der menschen  
dynet/vñ das licht des gotes wort / nit verporgēlich  
vnder einem schoffel gesturtzet/sonder offentlich auf  
einen leuchter allen eingehenden zu eynem schein vnd

trost  
magt  
bey al  
ten/d  
glaub  
reut p  
tzenc  
gar ni  
Luth  
es mu  
lich ge  
chen d  
werē d  
gescho  
habē/  
oder ei  
fursorg  
logia /  
vnder  
vor la  
halten  
vnd in  
wolter  
geacht  
betrog  
¶ Tzu  
getzim  
ctrin/t  
tzunem  
gung n  
ein ord  
tē ein  
ampts  
schweig



trost gesteckt werden solle. Ist sie aber vngottlich/so magt abermals fruchtparer sein /dye auff ein mall bey allem volck/als ein vncristlich giff außzureut/ten/dan dysse vnnnd ihene opinion mit nachteyl des glaubens /tzu halten vnd also in vil personen vnauffge reut pleiben tzu lassen. Die selb disputation vnnnd gezzenck der gelertenn ist auch meins achtens der wege gar nit/der gleichen irrsal/wo anders disse Doctor Luthers lere solte vngerecht sein /auszureute/sond es mus durch andere mittel/vñ nēlich durch ein ordēlich geschickt Cōciliū nach ordnūg d Romischē Kir chen decernirt beschlossen vnd reformirt werden/Es werē dan /die selben vermeinten Theologi/die in irē geschopfften irsall bis tzum ende irs alters verharth habē/auch kein anders dan ir irrige opinion wissen /oder eins bessern vnd terrichtet werden wollen/dyse fürsorgtrugē/das sie durch dise lere der rechtē Theo logia / in iren thorethen kindischen meynungen vnd vnderweysungen tzu schandenn gemacht /vnnnd dye vor lauth des heyligen ewangeliums fuer Rabi gehalten auff dem marckt von den menschen gegruffet vnd in den wirtsschafften die obersten stadt habenn wolten/nit meher bey dem gemeinem volck /dafuer geacht / vnd dem nach in irem selbst irsal verfurt vnd betrogen werden.

¶ Tzum funffte das Doctor Luthern aus billikeit getzime vnd tzu stehe/der gleichen Christenlich doctrin/tzu vnderweysung des Christlich volcks fuer tzunemē /des magt ein yeder dysse gegrundte bewe sung nemenn. Dan anfenglich ist Doctor Luther ein ordens man/tzum andern ein prediger/tzum drit tē ein Doctor/dem in alleweg/ aus erheischūg seins ampts tzu stehet /dye Cristenliche lere nith tzuuer schweigen/sonder bis tzuuergissung seins pluts tzu



uerfechten/ Vnd tzum vierden/ so ist offentlich vnd  
vniuersallich/ habē dz auch nit allein tzu Nurm  
berg/ sonder schier an allen orten tewtscherlandt ge  
hort/ mit was vniuerschempfer vermessenheit / auch  
wie gantz vnshicklich vnd vnchristenlich etliche vnd  
sonder Johannes Tetzel prediger ordens / den ablas  
vñ andere irfall vil tzeit vñ iar geprediget/ vñ aus einē  
scrupel vnd tzweiffel/ zehen gemacht/ damit auch dz  
gemein volck also versurt hat/ dz nit wenig tzu erbar  
men geweest ist/ den selben offentlichen vngheschickli  
keiten/ durch die heupter d̄ Christēheit/ tzu schmach  
schandt vñ ferlikeit d̄ selben/ der gestalt tzu tzu sehenn  
Ob nun Doctor Luthern nit billich getzimpt hab  
wyder dise vnchristliche beschwerunge/ lerenn/ tzu  
schreyen/ da gegē den rechten grundt der warheit / so  
so vil er bey im selbst vnd durch mittel der genadenn  
gotis verstädt hat/ tzu eröffnē/ vñ das einfeltig volck  
von irem irrsal tzu weysen/ wolt ich gern yemandt be  
stendigklich horn wydersprechē/ vñ dye weil sich dan  
die selbē genadē od̄ ablas prediger nit geschempthab  
ben ir vermessenheit offentlich/ in alle welt/ auch auf  
den cantzelen tzu predigen vñ daran tzu hencken. Ob  
ein engel od̄ Sant Peter von himel kōme/ dem volck  
ein anders vnd iren predigē ein widerwertigs tzu sa  
gen/ das sie vil mehr inen den selben leren dan einem  
engel oder Petro dises fals glaubē geben solten / da  
mit sie auch bey dem Christē volck nit einen geringen  
gifftigē samē eingeseet/ Warumb solte dan nit billich  
Doctor Luthern tzu gelassen sein/ solchen schedliche  
irrsal vñ offentliche verfurug viler mensche gleicher  
weysze / in publico vnd nit in den schulen ( wie die re  
den deren plintheit nur vimmer alle tag meher an den  
tagt kumpt ) auszureuttenn / so doch auff ein offent  
liche gemeine krackheit auch billich ein vniuersporgne  
gemeine ertzney volgen soll.

¶ J  
es aus  
vnd an  
der all  
irrung  
volck e  
innen v  
etwan  
vnd fin  
men/ v  
derwei  
dem/ d  
warheit  
die tun  
seiner g  
nit irre  
¶ Vnd  
fuer ho  
alleweg  
die weil  
heylig  
der nit i  
ergrund  
lich/ vn  
angetzei  
leren de  
Der ha  
eygen ge  
lerne wo  
digen / d  
che Vni  
den erpo  
tzu berich  
erken/ od



**I**ch hab bey mir alleweg da fuer geacht/vnd halt  
es aus vil treffenlichen vnwidersprechlichen Judicia  
vnd antzeygungen/noch fuer vntzweiffenlich/dz got  
der almechtig wider dysze vngeschickte verdamlliche  
irungen durch Doctor Luthern/einen Daniel ym  
volck erweckt hab/vns die augen vnser plintheit/dar  
innen wir furwar aus versurug vnser Theologi nun  
etwan vil tzeit gelegē sein/tzueroffnen vnd den nebel  
vnd finsternus solcher vnschicklichkeiten von vns tzune  
men/vngeachtet/das es bey vil traumpredigern/an/  
derweisz wil verstanden werdē/das müssen wir aber  
dem/der ein vntzweiffenlicher erkenner der rechten  
warheit ist/beuele/der wolle vns (bit ich hertzlich)  
die tuncckeln vnfers gemuts benemen/vnd erkentnus  
seiner gotlichen warheit vnd willens/Damit wir  
nit irrē/gnediglichen mitteylen.

**V**nd tzum Sechsten vnd letztenn/das ich billich  
fuer hoch bewig/so hat sich Doctor Luther ye vnd  
alleweg des schrifftlich vnd mundtlich angepottenn/  
die weil er sein lere vñ opinionones/bissher allein in dz  
heylig Euangeliū (vnd also den mundt der warheit  
der nit irren magt)vnd die waren gotlichen/schafft  
ergrundet/vnd was er geredt vnd geschaben offent/  
lich/vnd an alles schewē vnd entsetzen dargelegt vñ  
angetzeigt hat/vnd dem nach keine bessers/dan sein  
leren des halben antzeygen erkennen vnd finden kan  
Der halben ime auch (er wolt/dan wider sein selbst  
eygen gewissen vnd erkentnus reden) kein anders zu  
lerne woll getzimmenn. So bit er einen yden verft en  
digen/da mit er sich auch auff meher dan ein treffli/  
che Vniuersitet in Franckreich vnd Teutschenn lan/  
den erpotten/ime eins bessers mit grundt der warheit  
tzuberichte. Oder das Bebstliche heilikeit ein anders  
erken/oder die kirche ein anders beschlies/vnd wo d



eins beschehe/so wolt er nit allein seiner meynung gätz  
absten/sonder sich auch als der/so getrret/erkennen/  
das ist ie ein Christenliche gemüte/auch tapffer voll  
erbietē/das billich dennen/so Luthern biszher mehr  
aus vermessenheit/dan mit vernunfftē kunst vñ grūd  
der warheit verfolgt/auch fuer ein ketzer beruechtigt/  
vnd alle widerwertigkeit/so vil in inen gewest/zuge/  
fugt/vnd bey andern gesündirt habenn/solch ir ver/  
folgung vnd schmach benemen/vnd dohin furē solt  
Doctor Luthern das tzugeben vnd mit tzu teyllenn  
das sie in gleichen fall von andern gern gehabt habē  
wolten. Ich hab biszher gesehē/das sich etwouil vn/  
ser Theologi wider Doctor Luthern mit einē groß  
sen pracht emport/vnd gleich den bosen hunden/vil  
gemorret/aber wenig gebissen/haben alle an yme rit/  
ter werden vnd den danck ersuchen wollenn/wie yne  
aber samentlich vñ sonderlich der harnisch irer kyn/  
dischen schimpflichen argumenta angestandē/was  
eren vnd yberwindung sie auch biszhere/ausserhalb  
tegllicher schmachschriften/darein sie mehr dan vff  
die heyligen gottlichen schrifft ir fundament stellenn/  
dauon getragen/haben wir scheinbarlich befunden/  
vnd sehen das noch alletag/Luther hat sich biszher  
keins anders schirmstreichs wider seiner veruolger/  
dan allein deren/die ine vnnszer rechter fechtmeister  
Christus in dem heyllgenn Ewangelio gelernt/ge/  
braucht/vnd wie ich nit anders gesehen/alle die so  
gegen yme das schwert auff gehalten/mit grossen erē  
geschlagen/Blaub auch gantzlich dz ir vil ein anders  
dan sie wider Luthern schreibē vnd reden/bey ynen  
selbst wissen vnd erkennen/vnd dyses ir gepter allein  
darumb farnemen/aus neid oder von irs eygen nutz  
wegē/einen rum vnd lob/wie sie inen selbst ein freud  
schopffen/da mit tzu eriagen.

¶ D  
wegü  
cto: L  
nicht t  
wegs  
beschl  
nung i  
haben  
ten L  
tzu ley  
gehors  
tes vna  
weg vñ

Z



¶ Disz sind die grundt vnd antzeygung mesner bes  
wegig / die mich auch nit vntzeitlich verursachē Do  
ctor Luthern vnd sein lere vnangefochten vñ vnuers  
nicht tzuhalte / wil doch damit dieweyl es mir keins  
wegs getzimpt / ymādt tzu gut ader nachteil nichtzit  
beschlossen / auch nichtzit das Christenlicher ord  
nung in einnige wege entthgegen sein solt angenommē  
haben / Sonder mich in allem dem das einem rech  
ten Christenmenschen tzuhalten tzuglawben vnd  
tzu leyten aus gotlicher billikeit vnd Christenlicher  
gehorsam tzustehet / dem vrteyl vnd erkendtnus got  
tes vnd der heyligen Christenlichenn kirchenn in alle  
weg vnderworffen haben.

Dat lassen drucken Melchior Lotther d  
iung tzu Wittēbergk im funff  
tzehendē hundertē vnd  
xx. iar.

nüg gätz  
kennen/  
ffer voll  
er mehr  
vñ grūd  
chtigt/  
t / zuge  
h ir ver  
fürē solt  
teylenn  
bt habē  
ouil vn  
nē groß  
den / vil  
yme rit  
wie yne  
er kyn  
ē / was  
zerhalb  
dan vff  
tellenn/  
inden/  
bisher  
volger/  
meister  
rnt / ge  
e die so  
ffen erē  
anders  
ey ynen  
er allein  
zen nutz  
n freud



Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.






... 1 fe apmatis ...

























**Schutzrede und Christenliche Antwort. Eins Erbarn libhabers gotlicher warheit /der heiligen geschriffte / auff etlicher wydersprechenn/ mit antzeygung/ Warumb/ Doctor Martini Luthers lere / nit sam vnchristenlich verworffen/ Sunder meher /als Christen**

